

SISTEM ADUAN INTEGRITI (SAI)

PENGENALAN

1. Sistem Aduan Integriti (SAI) Institut Sukan Negara (ISN) merupakan saluran untuk warga ISN menyalurkan maklumat atau aduan berkaitan perlakuan jenayah rasuah, penyelewengan, salah guna kuasa atau pelanggaran tatakelakuan dan etika organisasi. SAI akan menapis, memproses, meneliti dan menilai maklumat atau aduan yang diterima sebelum tindakan selanjutnya.

Antara skop kesalahan yang boleh dilaporkan adalah seperti berikut: (Bahagian II, Tatakelakuan, Akta Badan-Badan Berkanun (Tatatertib Dan Surcaj) 2000.

1. Salah gunakuasa dan penyelewengan;
2. Memberi / menerima / meminta / menawarkan rasuah;
3. Pelanggaran undang-undang, peraturan dan etika standard seperti berikut:
 - Tidak hadir bekerja / tidak patuh kepada waktu bekerja penjawat awam
 - Gangguan seksual / berkhawat / berkelakuan sumbang
 - Tidak mengisytiharkan harta / mengemaskini pemilikan atau pelupusan harta baru
 - Penyalahgunaan / ketagihan najis dadah
 - Melakukan pekerjaan dan perniagaan luar tanpa kebenaran Ketua Jabatan
 - Keluar negara tanpa kebenaran Ketua Jabatan;
4. Pengurusan kewangan yang tidak cekap yang menyebabkan pembaziran sumber kerajaan; atau
5. Tidak jujur / tidak amanah / tidak bertanggungjawab seperti berikut:
 - Membuat tuntutan palsu
 - Mengemukakan sijil cuti sakit palsu
 - Pembocoran / penyalahgunaan rahsia kerajaan / maklumat terperingkat
 - Peralatan pejabat
 - Kenderaan Majlis

PANDUAN MENYALURKAN ADUAN

2. Bagi maksud tersebut, aduan atau maklumat salahlaku jenayah dan pelanggaran tatakelakuan boleh diklasifikasikan seperti berikut:
 - 2.1. **Salahlaku** iaitu apa-apa perbuatan yang melanggar tatakelakuan di bawah Akta 605, Akta Badan-Badan Berkanun (Tatatertib dan Surcaj) 2000 dan peraturan-peraturan lain yang berkuatkuasa;
 - 2.2. **Salahguna Kuasa** iaitu apa-apa ketidakpatuhan kepada peraturan semasa menjalankan kuasa di bawah undang-undang atau peraturan yang berkuatkuasa; dan

- 2.3. **Jenayah Rasuah** iaitu termasuk apa-apa kesalahan meminta, menawarkan atau menerima suapan rasuah, kesalahan tuntutan palsu, kesalahan salahguna jawatan atau kedudukan untuk mendapat suapan rasuah seperti diperuntukkan di bawah Seksyen 16, 17, 18 dan 23 Akta Suruhanjaya Pencegahan Rasuah Malaysia 2009 dan lain-lain kesalahan ditetapkan dalam Akta yang sama.

KAEDAH PENYALURAN ADUAN & MAKLUMAT

3. Mana-mana warga ISN atau orang awam boleh menyalurkan aduan atau maklumat salahlaku jenayah serta pelanggaran tatakelakuan dan etika organisasi kepada Unit Pengurusan Prestasi Dan Tatatertib melalui saluran berikut:
- 3.1. Borang yang boleh dimuat turun melalui Sistem Pengurusan Sumber Manusia (SPSM)
- 3.2. Emel e-aduan@isn.gov.my
- 3.3. Menghadirkan diri di Pejabat Unit Pengurusan Prestasi Dan Tatatertib atau memanjangkan memo ke **JABATAN SUMBER MANUSIA, BAHAGIAN PENGURUSAN**

PANDUAN MEMBERI MAKLUMAT BERKUALITI

4. Sila pastikan aduan atau maklumat itu tidak terlalu umum untuk membolehkan pihak Unit Pengurusan Prestasi Dan Tatatertib atau SPRM bertindak sewajarnya. Kumpulkan maklumat diperolehi dan sampaikan isi penting seperti berikut:
- ✓ **Bila kejadian berlaku (*when*)**
 - ✓ **Di mana kejadian/kesalahan berlaku (*where*)**
 - ✓ **Siapa yang terlibat dan yang boleh membantu (*who*)**
 - ✓ **Apa kesalahan yang dilakukan (*what*)**
 - ✓ **Kenapa kesalahan dilakukan (*why*)**
 - ✓ **Bagaimana transaksi rasuah atau pelanggaran tatakelakuan tersebut dilakukan, sekiranya ada (*how*)**
5. Sila sertakan nama dan maklumat perhubungan anda. Unit Pengurusan Prestasi Dan Tatatertib boleh menerima aduan atau maklumat daripada pemberi maklumat yang tidak dikenali, tetapi adalah lebih baik sekiranya kami dapat menghubungi semula anda bagi membantu kami bertindak dengan lebih cepat dan lancar. Unit Pengurusan Prestasi Dan Tatatertib tidak dapat bertindak ke atas maklumat tidak lengkap atau terlalu umum dan tiada maklumat perhubungan untuk mendapatkan maklumat lanjut.
6. Anda juga boleh mengetahui status aduan atau maklumat anda melalui SAI sekiranya anda menyertakan nama dan maklumat seperti emel atau nombor telefon mudah alih.

7. Pemberi maklumat akan dilindungi mengikut **Seksyen 65(1)(2), Akta SPRM 2009** dan **Seksyen 7, 8 dan 9, Akta Perlindungan Pemberi Maklumat 2010**.

BAGAIMANA SAI BERFUNGSI

8. Aduan atau maklumat akan melalui proses saringan bagi mengenal pasti:
 - ✓ **Aduan/Maklumat yang berunsur rasuah atau tidak;**
 - ✓ **Aduan/Maklumat yang boleh diambil tindakan atau tidak; dan**
 - ✓ **Orang yang dituduh boleh dikesan/dikenal pasti atau tidak**
9. Selepas proses saringan, aduan atau maklumat yang terpilih iaitu yang mencukupi berkaitan tatakelakuan melibatkan salah laku dan salahguna kuasa di bawah Akta 605, Akta Badan-Badan Berkanun (Tatatertib dan Surcaj) 2000 atau undang-undang atau peraturan-peraturan yang berkuatkuasa akan diambil tindakan oleh Unit Pengurusan Prestasi Dan Tatatertib
10. Sekiranya maklumat itu mencukupi berkaitan **jenayah rasuah akan dirujuk segera kepada SPRM** untuk tindakan lanjut.

PERLINDUNGAN KEPADA PEMBERI MAKLUMAT

11. **Seksyen 65(1)(2), Akta SPRM 2009** memperuntukan perlindungan kepada pemberi maklumat dan kandungan maklumat tidak boleh didedahkan oleh mana-mana orang termasuk tidak boleh didedahkan atau diperintahkan supaya didedahkan dalam mana-mana prosiding mahkamah, tribunal atau pihak berkuasa lain.
12. **Seksyen 7, 8 dan 9, Akta Perlindungan Pemberi Maklumat 2010** memperuntukan seseorang pemberi maklumat yang telah mendedahkan perlakuan tidak wajar pegawai ISN termasuk rasuah atau salahguna jawatan kepada SPRM atau penguatkuasa lain hendaklah diberi perlindungan maklumat sulit, kekebalan dari tindakan sivil atau jenayah atau tindakan tatatertib dan perlindungan terhadap tindakan memudaratkan.

KEWAJIPAN ANDA MELAPOR RASUAH

13. Adalah menjadi kewajipan anda melaporkan pemberian, janji atau tawaran suapan rasuah oleh mana-mana orang. Anda bersalah jika tidak melaporkan sogokan rasuah. Jika disabitkan, anda boleh didenda tidak melebihi RM100,000.00 atau dipenjarakan selama tempoh tidak melebihi 10 tahun atau kedua-duanya – **Sek. 25(1), Akta SPRM 2009**.
14. **Jika anda orang awam** adalah menjadi kewajipan melaporkan segera daripadanya suapan rasuah diminta atau diperolehi secepat mungkin. Anda bersalah jika tidak melaporkan segera suapan rasuah itu. Jika disabitkan, anda boleh dihukum penjara tidak lebih dua (2) tahun atau denda tidak lebih RM10,000.00 atau kedua-duanya – **Sek. 25(3), Akta SPRM 2009**.